

DISPUTATIO INAUGURALIS
MEDICA,
DE
CARDIALGIA

Quam

COELESTI ARCHIATRO PRÆSIDE,
DECRETO ET AUTHORITY
NOBILISSIMÆ ET GRATIOSISSIMÆ
FACULTATIS MEDICÆ

IN

ILLUSTRI ACADEMIA LUDOVICIANA
PRO LICENTIA

SUMMOS IN ARTE MEDICA HONORES
ET PRIVILEGIA DOCTORALIA
LEGITIME OBTINENDI

PUBLICO

EXCELL. DNN. PROFESSORVM

Examini submittit,

FRIDERICUS MAGNUS CRANZ,
Hanoviensis.

Ad diem 23. Februarii, Anno MDC LXXXII.

Horis locoque consuetis.



GISSÆ,

Ex Chalcographéo Academ. Kargeriano.

ILLVSTRISSIMO ET CELSISSIMO
COMITI AC DOMINO,
DOMINO
FRIDERICO
CASIMIRO,

COMITI

In Hanau/Reineck & Zwenbrücken/


DYNASTÆ

In Münzenberg/Liechtenberg & Ochsenstein/
EPISCOPATUS ARGENTORATENSIS
ARCHIMARESCHALLO
ET ADV. SUPR. HÆREDITARIO &c.

COMITI AC DOMINO
SVO CLEMENTISSIMO,

*Disputationem hanc Inauguralem summâ animi re-
verentiâ & submissione offero*

Humilimus Cliens
FRIDERICUS MAGNUS CRANZ,
HANOVIENSIS,



I. N. J.

PROOEMIUM.



Otanter Sallust. ad Cæsar. Omnia regna, inquit, civitates, nationes, usque eò prosperum imperium habuere, dum apud eos vera valuere consilia; ubi-
cunq; gratia, timor, voluptas ea corrupere, paulò post imminuta opes, deinde ademptum imperium, postremò servitus imposita est. Hinc Augustus, rei hujus optimè gnarus, teste Senec. l. 6. c. 23. de Benef. frequenter exclamasse fertur: *Horum nihil mihi accidisset si aut Agrippa vixisset, aut Mecænas.* Quod si, ea, quæ in *Macrocosmo* etiamnum quotidie evenire videmus, *Microcosmo* applicare, aliorum exemplo, licuerit; dicendum sanè nobis erit, animale humani corporis Oeconomiam usque eò prosperum habere imperium, dum in illâ bona, atque proficua valent Ventriculi consilia & actiones; ubi autem Stomacho (qui Oeconomiae principi *Cordi* quasi à consiliis intimis est) Gnathonica potius arridet Gratia, timetque ne fortè utile alias absynthium quandoque admittens Regis palato minus arideat, quin imo voluptatum illecebris semetipsum unà

cum chylo suo atque fermento corrumpendum tradit; tum sanè malum consilium consultori evadit pessimum, chyliferæq; opes paulò post imminuuntur non modò, verùm deinde etiam omne Cordi imperium adimitur ac postremò singulis corporis partibus, tanquam Achivis, à furibundo Archéo, servitus quædam præternaturalis imponitur : Quorum omnium nihil accidisset, si bona Ventriculi consilia vel voluissent vel valuissent. Ventrìs enim segnities, juxta *Hipp. l. 6. Epid. sect. 3.* omnium confusio, vasorumque impuritas. Inter tot hinc oboriri solitas turbas primum meritò obtinet locum καρδιαλγία *ventriculi dolor*, in quem plerunque primæ digestionis errores desinunt, cujus molestiâ & cruciatu tam quoque unà affligitur Microcosmi princeps, Cor, ut omnis in hujus interitum conspirasse ἀκαθαρσίη videatur. Affectûs itaque tam gravis, & præsens sæpe discrimen minitantis naturam juxta ac curationem præ aliis contemplari atque proponere animo constitui, postquam Gratióssimi Medicorum Ordinis indultu argumentum pro disputatione inaugurali seligere concessum est. Te verò, B.L. obnixè rogo, ut, si non omnia ad palatum tuum, id est, ad votum meum elaborata sint, veniam mihi des.

Faxit D E U S ut bene coeptis felicissimus
respondeat eventus.

CAP. I.

*Nominalem & realem Definitionem
exhibet.*

UT rem ab ovo, quod ajunt, exordiar, & succincto solidoque tramite procedam, pauca quædam, methodo hætenus receptâ, de affectûs hujus nomine dicturus sum.

Ratione itaque etymologiæ καρδιαλγία quasi ἀλγῶ τῆς καρδίας, origine Græca, usu verò latina, à parte affecta & symptomate nomen suum teste Galeno lib. 2. Meth. Med. c. 2. obtinuit.

Ad Homonymiam quod attinet, lectio Autorum docet, vocabulum cardialgiæ in genere illius partis, quæ καρδιά, cor, vocatur, deinde sinistri ventriculi orificii dolorē καὶ ἐξοχλῶ & propriè denotare; Notum enim est, venerandam Antiquitatem os ventriculi etiam titulo cordis, ob insignem, quem cum corde habet, consensum, aliasque, quas Celeberr. Bartholinus in Anatom. lib. 1. cap. 9. p. 68. adducit, rationes insignivisse; ceu patet ex Galen. 4. aphorism. 17. 65. lib. 2. cap. 8. de placitis Hippocratis & Platon.

Synonyma occurrunt multa, vocatur enim καρδιωγμός, quæ aliàs species est motûs cordis p. n. Cardiaca, quæ est morbus infantibus proprius. Hippocr. vir divini & stupendi ingenii utitur lib. 7. aphorism. 56. voce ἀλύκῃς, quam Galenus in commentario per anxietatem explicat, quò etiam Germanicum vocabulum, Herzens-Anast / Herzens Bangigkeit respicere videtur. Hæc circa nomen notata sufficiant, plura desiderantem ad Foes. Oeconom. Hippocr. Gorraei desinit. Sennert. in praxi aliosque Medicos prolixius hæc tractantes remittimus, definitionem realem proposituri.

Cardialgia est sensatio tristis sinistri orificii ventriculi, gravissima inducens symptomata, à solutione continui confectum & cum impetu agente producta.

Licet omnia, quæ de dolore in genere tradi solent, hîc locum quoque inveniant, nos tamen, brevitati studentes quædam saltim delibabimus. Tristem adesse sensationem (quæ formalis doloris ratio est, & ad symptomata sensûs tactûs depravati, ab Autoribus plurimis, consentiente ratione, rectè refertur) non solû illi, qui hoc affectu laborant, testantur, sed & multi Medici confirmant, in modo verò, quo fiat, multum inter se dissentientes: Plurimi tamen animam cognoscendo & objectum afficiendo activè, sensûs verò tactûs organum sive fibras nerveas passivè in hoc actu concurrere, & nullo modo hæc à se invicem separari posse, arbitrantur, quibus & nos subscribimus, præsupponentes ex Physiologicis (1) in statu naturali (contrariorum enim est eadem ratio) ad sensationem in genere, & specie tactûs requiri animam (2) cùm anima sit *ἀνὰ τὴν* in sua natura & immaterialis (loquimur enim de homine, in quo animam sensitivam corpoream à *Willisio* aliisque introductam, cùm impropriè, durius & paulò *ἀκρίως* sonet, monente in *palestr. Med. part. 1. Gymnas. 1. thes. 1. Nobiliss. & Excellentiss. Dn. D. Stranffio, Præceptore, Promotore & Hospite meo omni observantia cultu prosequendo* non agnoscimus) opus esse mediis sive instrumentis, quibus actiones perficiuntur, & proximis, uti sunt spiritus animales, & remotis, quæ constituunt organa propriè dicta sensuum. (3) fibras nerveas sine spiritibus animalibus dolore non affici, & spiritus sine fibris sensum non præstare. (4) pro dispositione structuræ organi sensum magis obtusum vel magis delicatum, imo planè nullum deprehendi, manifesto indicio, organum multum posse ad dolorem contribuere. (5) receptionem in organo & cognitionem in primo sensorio contingentem non divellendam esse. (6) objectum sensile organum feriens adesse debere, quæ de re *Vid. latius Excellentiss. Dn. D. Wedelini Præceptor & Hospes quondam meus nunquam non colendus in Physiolog. sect. 4. cap. 6. & 7. Willis. part. 1. de anima Brutor. cap. 10. 11.*

Antequam ulterius progrediar, quorundam, qui pro Cartesianis haberi volunt, definitionem, quâ dolorem merum cogitandi modum, prætereaq; nihil esse definiunt, adeoq; sensationem

nem in partem affectam cadere negant, quanti sit valoris perlustrabo; hoc autem melius fieri non potest, quàm si ipsum primipilum, *Cartesium* putà consulamus, qui sibi non constans cap. 4. *Dioptric.* putat, *animam, non corpus, sentire, idq, quatenus in cerebro est, non quà alia membra animat.* si tò sentire de sensibus internis, de cognitione, & quatenus actionem significat, intelligit, tunc id ambabus largimur manibus, sin verò ad sensus externos & in specie tactus adeoque passiones extendat, jure id negamus, nam anima cum & in corpore, & corpus cum anima sensu doloris afficitur, quod ex præsuppositis facilè probari potest; porro si anima tantùm sentiret, & dolor merus cogitandi modus esset, bruta & homo nullos perciperent dolores, quoniam illa animâ juxta *Cartesianos* carent, hic v. statim suas cogitationes mutare potest. Et *Cartesius* statim pag. sequenti sibi contradicens, *extremitates nervorum, quæ ad omnia membra porriguntur, aliquo modo sentire posse,* statuit, quod confirmat lib. de passionib. anim. part. 2. art. 94. arbitrando, *dolorem semper oriri ab aliqua actione tam violenta, ut ledat nervos, & hunc sensum à naturâ institutum esse ad significandum animæ damnum, quod patitur corpus per hanc actionem.* Quid de hac sententia sentiendum sit, quilibet ex his contradictionibus (quæ etiam in *le Grand, Cartesi* affecla uti jam videbimus occurrunt) facilè judicare potest. Jam nominatus *le Grand* in *Instit. Philosoph.* part. 8. art. 10. *sensus mentis perceptiones nominat, sensusq, in cerebro saltem ab anima fieri sequenti capite probare conatur.* Art. 12. autē ubi de tactu agit, illū omnibus nervosis, fibrosis, membranosis partibus attribuit. & paulò post nervos & fibras, quæ sunt hujus sensus organa, hanc sentiendi facultate polere existimat. Confer. art. 22. ubi ut obiter notetur, ea, quæ de Cephalalgia formalis ratione habet, parum mutata ex *Willis.* lib. 2. de anim. brutor. cap. 1. de Cephalalgia fideliter non citato Autore transcripsit. Argumenta pro stabiliendâ sententiâ ab obstructione nervorum sentiendi facultatem tollente, & morbis vulneribusque cerebri omnes sensus adimentibus depromta, tanti non sunt, ut ipsis victoria concedatur, siquidem solum probant, in cerebro ab anima judicium sive cognitionem fieri

feri non posse, quia in corpore prohibito influxu spirituum, (quorum ope in organis fit sensus) receptio non contingit; imò hæc potius communem hypothesin, quod scil. anima, quia est *ἀπαισθητός*, non per se, sed mediantibus organis corporeis dolore afflictiis patiatur, confirmant. Ratiocinium, quod *le Grand* p. 832. de applicatione remediorum in phreniticis profert, optimè pro nobis militat, si enim ibi est dolor sive sensus tactûs, ubi remedia applicantur, sequitur sanè in partibus corporeis v.g. pleurâ, orificio &c. dolores percipi, quoniam ibi optimo cum successu topica paregorica adhibentur. Exemplum doloris, qui in parte ablata sentiri putatur, Imaginationem [quam in Cerebro residere non negamus] læsam esse evincit, sed ab imaginatione ad omnes sensus concludere non licet.

CAP. II.

Subjectum proponit.

EX definitione haud difficile erit colligere, inter duo ventriculi orificia, à veteribus alterum altero declivius esse falsò arbitrantibus in inferius & superius, à Recentioribus in dextrum & sinistrum distincta, sinistrum in medio pene ventriculi situm, circa undecimam thoracis vertebra Oesophago continuatum, & ad sinistram paulò declinans partem (*vid. Barthol. l.c. B. Schenckius in Exercit. anatom. 5. lib. 1. sect. 2. cap. 14. p. 270. Highmorus in disquisit. 1. Anatomic. lib. 1. cap. 3. p. 19.*) subjectum primarium constituere.

Etsi hoc assertum non solùm omnes ferè Medici approbent, sed & hanc partem, ob ejus substantiam ita nervis obvolutam, ac si juxta *Schenckium l.c.* ex nervis penitus compacta, & secundùm Ingeniosissimum *Willisium part. 1. Pharmaceut. rational. sect. 2. cap. 2. p. 13.* quoddam quasi nervorum reticulum sit, admodum sensilem hos atrocissimos dolores pati posse, sana ratio confirmet; laudatus tamen *Willisius l.c.* in descriptione Ventriculi (quam satis accuratè tradidit) à communi recedens sententiâ, ventriculi tunicam nerveam pro subjecto agnoscit: Qui si subjectum non tam primarium, quàm secundarium, & car-

& cardialgiā non propriè, sed impropiè pro toto ventriculi dolore (quod etiam *Bonettus in suo sepulchreto lib. 3. sect. 7. facit*) sumptam intelligit, nobiscum facilè conciliari potest; aliās, quia ægri non tam circa ventriculi, quàm cordis (ubi situm est orificium) regionem, dolores observant, orificium potius, juxta Institutionistarum πολυτελείηον, ubi dolor, ibi morbus, accusandum est.

De appetitu animali in hoc orificio ex mente Veterum & Neotericorum (*Willis. peculiarem tamen fovens sententiam, assensum ob rationes, quas in cathedra dicemus, solidissimas à Nobiliss. & Excellentissimo Dn. Heiland, Præceptore & Patrono meo piè colendo, in lectionibus privatis ad Willis. Pharmacent. Rational. allatas, non meretur*) vigente, & audacis ingenisioq; (ut *Boyleo in præfat. introduct. in Chymi. sceptic. audit*) *Helmontii de sede animæ sententia* (quam refutatam vide apud *Barthol. l. c. & Cl. Mæbium in fundament. Med. Physiol. cap. 10. p. 142. seqq.*) nos jam, quia instituti ratio id prohibet, non solliciti sumus, pergentes ad subjectum secundarium determinandum, quod non tantum ventriculum, cor, cerebrumque, cum quibus præ cæteris partibus, ob nervorum vulgò sexti, *Bartholino noni, Willisio octavi* paris communionem, habet consensum, (qui ratione nervorum propriè & simpliciter, teste *Celeberr. Ettmüll. in Eleganti de Opio disputat. §. 24. dicitur*) sed & totum corpus (de cujus habitûs præcipuè cutanei consensu cum ventriculo ejusque orificio vid. *Doctissim. Fernel. lib. 4. patholog. cap. 10. ubi elegantissima reperies*) pronunciamus.

CAPUT III.

Causam immediatam & mediatam proximiorē investigat.

Quoniam cognitio causarum felices juxta *B. Rolsincium in Ord. & Method. Comment. lib. 2. sect. 3. cap. 1. reddit doctrinarum possessores, metus omnes, & inexorabile ignorantia fatum subicit pedibus, & ἀμετάπτωτος reddit curiosos. Ea non instru-*

Etus, Palladis portas nec aperire, nec ingredi, multò minus ad regium vixias, solum accedere & gloriosa regina conspectu frui potest; idè in causis rimandis magnam adhibere curam, nostrarum erit partium.

Causa igitur *Immediata*, non alteratio sive intemperies, sed solutio continui (quæ non perfecta, in habitu, sed incipiens, in fieri est, non lente & paulatim, sed confertim & cum impetu agit) consentiente totò ferè Medicorum choro haut injustè asseritur: dum nempe objecti improporportionati, fibras nerveas divellentis, distendentis, corrugantis, lancinantis, hincque spiritus in fibris latitantes extra ordinem moventis character sive Idea spiritibus animalibus imprimitur, hi continua serie dispositi impressionis typum tanquam legati ad referendum suscipientes irradiatione vel undulatione quadam (uti supra laudatus *Dn Wedelius in Physiolog. l.c. Excellent. Bohnius in Exercitat. Physiolog. 16. §. 3. Willis. de anima brutorum l.c. loqui amant.*) Regi seu Animæ dijudicandum offerunt. *Cartesii* sententiæ, quâ rem per varios motus nervorum cerebrum hinc moventium explicat, ob magnas, quas patitur, difficultates, silentio, jam, paginarum angustia jubente, involvendas, calculum nostrum addere non possumus.

Causæ nunc *mediata proximiores*, objecti hujus improporportionati vicem sustinentes, considerandæ sunt; quas duplices facimus, internas, humores non in & propè ventriculum solum sed in totâ machinâ microcosmicâ existentes; externas, illa scil. omnia, quæ acrimoniâ spiculisque suis vellicare & lancinare queunt, uti sunt assumpta varia, solida vel liquida, alimentosa, medicamentosa & venenata: cum autem posterior causarum species in causarum n.n. & p.n. classe iterum occurrat, consueto tractandi mori morem gerens illius recensionem eum in locum reservabo, jam prioris illius humorosæ scil. & vaporosæ examen instituturus.

Inter humores, ventriculi primò fermentum, (quod salinæ naturæ in statu naturali blandè vellicat & appetitum ciet) acidius, fixius, acrius varias ob causas redditum, halitus ejusmodi acres orificium mordentes, sicque dolorem creantes de se e-

mittit,

mittit. Confer de le Boe Sylvium lib.1. Prax. Med. cap.34 p.68.

Hinc in hypochondriacis, in quibus fermentum à copioso acore in primis viis stabulante collutulatum, & cum multo mucò viscido ex βραδυπείψια collecto junctum est, atrox hic affectus non infrequens est. Hinc jejuno ventriculo, ubi menstruum, quia objectum, in quod agat, habet nullum, sui juris existens, & à bilis diuturniori inedia in ventriculum accersitæ particulis acribus salinis majorem acquirens acredinem fibras lancinat nerveas, hoc malum sæpe exacerbatur, quod juvenis quidam apud Smetium in Miscellan lib.10. testatur, in quo calor digerens, uti probabile, magnus, particulas activas excitando & exaltando aliquid contribuere potuit.

Ex hisce aliisque rationibus luculenter apparet, bilem flavam excrementitiam, quæ interdum immediatè ab hepate per meatum cholidochum in ventriculum insertum (de quo vid. Mæbins l.c. cap.15. p.354.) communicatur, vel mediatè ex Intestino duodeno in ventriculum præternaturaliter, ut in febribus, (in quibus ob calorem urentem & fermentum vitiosum æruginea faciliè fit) suffunditur, ratione particularum acrimiarum lixiviosarum alcalinarum, quibus abundè scatet, ad hanc causarum speciem quam maximè pertinere, præcipuè cùm id ab Historiis Medicis à Bonetto l.c. Timao lib.1. Epist.12. aliisque annotatis confirmetur.

Tragico huic actui, uterque humor iste universalis & alimentarius sanguis, ejusque individuus fidusque comes serum, multum contribuunt. Et quidem sanguis, optimus vitæ thesaurus, non quantitate, sed qualitatibus, non tam primis, quæ rarissimè ut calida in inflammatione, in censum veniunt, sed secundis, inter quas salina hîc palmam obtinet, delinquens hoc malum producit. In genere enim salia sive acra sive acida, sive falsa, membranâ nervosâque generi ob aculeos suos frigidos infesta & inimica sunt, unde & unâ cum inæqualitate, non irritationis tantùm, sed & vellicationis & lancinationis autores existunt. Hinc in febribus, ubi ob motum Massæ sanguineæ intestinum & propulsivum p. n. sanguinis particule roscidæ, balsamicæ, suaves dispelluntur vel in-

vertuntur; contra verò biliosæ acres, alcalinæ, lixiviosæ exaltantur, ob metastasin harum aliarumq; particularum heterogenearum ad orificium factam Cardialgia frequenter contingit, *Vid. Willisius de febb. cap. 10.* Vitiis sanguinis recensitis ad serum accessum facimus, cui ea, quæ de sanguinis acredine salina diximus, magis competunt, siquidem non solum salium vehiculum est, sed & omnium humorum tincturam imbibit. Et ad salis lixiviosi existentiam probandam non multis opus esse argumentis arbitror: cum id Urina ceu seri soboles toto die testetur; Neque etiam, lympham salibus acidis sæpe præternaturaliter imprægnatam esse, in dubium vocare quis potest, si experimenta & observationes, quas *Ettmüllerus in dissert. de Med. Hippocr. Chemic.* suggerit, consideret. Hinc scorbutici, quorum serum variis salium generibus valde deturpatum est, Cardialgiam pati coguntur. Ob eandem dyscrasiam seri salinam arthriticus & nephriticus ille Episcopus Gracoviensis apud *Sylvat. Consil. 72. cent. 2.* Cardialgia laboravit.

Altera, quoad essentiam spectatæ, causæ proximioris species sunt flatus acres, vel ex cibis flatulentis enati, vel ex calore debili, seu juxta *Clariss. Sennertum in praxi lib. 3. part. 1. sect. 1. cap. 11.* & *Sylvium lib. 1. cap. 9. §. 6. 7.* humore bilioso, in materiam crassam, mucosam, viscidam, uno verbo pituitam agente, eamque resolvente producti, qui, dum sese fortius in fibras nerveas insinuant, easque valde distendunt & pungunt, dolorem efficiunt.

CAP. IV.

Causas mediatas remotiores aggreditur.

INter causas, quæ ad proximiorum vel generationem, vel faciliorem susceptionem faciunt, primò se sistunt res naturales, è quarum numero est temperamentum calidum & siccum, sive biliosum tum totius corporis, tum ipsius ventriculi, ad acrium biliosorum flatuum generationem, quàm maximè aptum, unde illi, qui vocantur *πικρόχολοι*, huic affectui obnoxii sunt.

Quod

Quod ætatem sexumque concernit, nulli ætati nullive sexui Cardialgia parcit, æque infantes tenerrimos, florentemque juventutem ac venerandam canitiem, æq; fœminas & virgines, ac viros invadit, sexum tamen fœmininum huic torturæ frequentius, ob uterum symbolum suum conferentem, subiectum esse experientia testatur. Quâ ratione, primum inter res n.n. meritò obtinens locum aër, cui, ob inevitabilem necessitatem, quâ per inspirationē & transpirationē aditus in principia vitalia continuò conceditur, magna potestas corpus nostrum alterandi concessa est, qualitatibus primis in corpus, humores, spiritusque agat, pleni sunt Medicorum libri; frigus præsertim quid præstet, si nudo occurrat ventriculo, docet *Sennert. lib. 3. prax. part. 1. sect. 2. cap. 15.* Cui etiam experientia suffragatur. Aer quoque non solum propter varias, quas pro ratione loci & temporis, vehit atomos, v.g. metallicas, acres, venenosas, arsenicales & ales, malignas pestilenciales, sed & ob particulas Θnas, nitrosas, quibus abundat, aculeatas, si Recentiorum quorundam vestigiis insistere volumus, accusandus est. Cibi præter errores, qui in quantitate ordine modoque assumendi committuntur, ratione flatulentia & qualitatis potissimum acris, quâ vel per se, ut cepæ, allium gaudent, vel demum in ventriculo, ut pingua, dulcia, lac (*de cuius effectu vid. Rolfinc. Method. Comment. lib. 2. sect. 3. cap. 59. & Sennert. l. c.*) acquirunt, causæ naturam induunt. Confer in praxi felicissimum *Felicem Platerum tom. 2. prax. cap. 11.* ubi de variis eduliorum generibus, & corruptionis modo eleganter differit. Suum quoque addit *ἰπιβάρων μέρ* & potus frigidus, quod *Rhodius Cent. 2. obs. 71.* observavit impurus flatulentus, qualis est cerevisia recens, non defæcata, vini copiosus, quale exemplum *Lottichius lib. 4. cap. 1. obs. 87.* annotavit, ubi evaporatis particulis spirituosis volatilibus impurum magma relictum est.

Huc spectant etiam, tum purgantia, tum medicamenta alia, quæ ob Θia volatilia acria, caustica generationi hujus affectus apta nata sunt, cuius rei exemplum *vid. apud Heer obs. 16. Ephemerid. ann. quart. obs. 119.*

Motus, quies, somnus & vigiliæ non legitimo modo & tempore institutæ, quatenus in cibis contentarum particularum oleosarum sulphurearum volatilium extractionem sicq; chyli aërescentiâ impediendo corpus cruditatibus flatibusq; generandis aptum reddunt, Massæ sanguineæ consistentiam suavem balsamicam pervertunt, eidemque spiritus absumendo vaporescentiam inducunt, ceusum hunc subeunt; in specie verò mediante motu atroces doloris accenduntur faces, dum idem corruptos humores & flatus in corpore latitantes & quasi consopitos commovet, adeoque in actum deducit. Animi pathemata in excludendo malo hoc ovo fomitem subministrant maximum, sic concitatâ per iram effervescentiâ majori, & redditâ sanguinis circulatione citiori, affluit mediantibus arteriis ad orificium plus sanguinis, quàm ut venæ recipere queant, hinc accedente stagnatione & extravasatione inflammatio cardialgiam producens oritur. Sic Mœrore & tristiciâ bilis flava in ventriculi pomoeria, teste *Langio lib. 1. Epistol. 22.* invitatur, ut taceam effectus, quos quietem, somnum &c. præstare dixi.

Inter excernenda & retinenda, quæ agmen rerum n.n. claudunt, suppressiones mensium præcipuè & alvi excrementa diutius retenta putridos & acres vapores ad orificium mitentia considerationem merentur.

Magnus hîc rerum præternaturalium, quibus adjuncta est Cardialgia, numerus sese offert. Quid enim communius? quid frequentius in febribus (ut ab universalibus morbis initium faciam) tum continuis (de quibus supra actum est) tum intermittentibus, quam Cardialgia? de quo magis queruntur ægri in morbis malignis & pestilentialibus, quam de cordis dolore sævissimo? qui licet interdum cor propriè dictum ob restagnantem sanguinem affligat, sæpissimè tamen in orificio sinistro tyrannidem suam exercet, cujus rei causa, præter supra cap. 3. datam, potissimum adscribenda est orificii ventriculique inflammationi & escharæ inductæ à Carbunculorum (de quibus vid. *Helmont. in tumulo pestis p. m. 843. 867. 891. Diemerbræk. de peste lib. 1. cap. 13. Bartholin, Cent. 3. Epist. 42.*) &c acerrimo caustico

caustico, quod non ita pridem per destillationem, licet satis curiosam, valde tamen periculosam, patefactum est. Ex his aliisq; rationibus, ut in transitu notetur, quidam commoti sunt; ut cum *Helmontio* & *Bartholin.* sedem febrium malignarum principalem in ventriculo collocarint. In endemio & admodum funesto isto sudore Anglico καρδιαγγος observatus quoque fuit, ut id ex *Sennerto Willis. in phaimac. ration par. 1. sect. 5. cap. 3.* annotavit. In foeminis & virginibus hystericis raro hoc symptoma, teste experientia, deest. Sic ab hirudinibus, serpentibus, jx. *Rhod. observ. 72. cent. 2.* ex compressione ossis sterni test. *Plater. in praxi l. c.* ab acumine cordis maximi, jx. *ann. quart. Ephemerid. obs. 31.* ortus est noster affectus. Vermes venena, malum hypochondiacum, scorbutum &c. silentio jam praetereo.

CAP. V.

Differentias delineat,

Quaquam ex haftenus dictis, quanam hic occurrant differentiae, facile colligi queat, tamen, cum ordo conluctus postulet, paucis differentias affectus nostri tradere placeat.

Ratione itaque generis alius dolor est morsicativus, qui in specie vocatur καρδιαγγος, alius pungitivus, alius extensivus; a gradibus quoque magnitudinis & vehementiae differentiae Cardialgiae desumuntur, hinc aliam mitiorem aliam gravio-rem esse deprehendimus, illa paucioribus stipata symptomatibus facilius in fugam vertitur, haec vero atrocioribus & periculosioribus diutius saevit & difficulter curatur.

Respectu temporis alia recens, alia inveterata, alia magis continua, alia interpolata & periodica (qualis ab *Amato Lusitan. Cent. 1. Curat. 73.* annotata est) alia ante cibum (qualem nobilis ille hypochondriacus apud *Montanum consil. 239.* expertus est) alia post cibum grassatur.

Ratione subjecti alia est essentialis sive Idiopathica; ubi sedes materiae in ipsa parte affecta primaria est, alia sympathica,

thica, si aliunde morbi fomes transmittitur; hinc vitio hypochondriorum hypochondriaca, vitio uteri hysterica, scorbuti scorbutica &c. audit.

Ratione denique causarum, tot possunt constitui differentia, quot causae fuere in superioribus recensitae.

CAP. VI.

Signa Diagnostica & Prognostica enumerat.

Quilibet ex elegantissima & aureis literis inscribi digna *Tralliani lib. 9. cap. 1.* sententia: quod internotio rectae curationis sit fundamentum, facile judicare potest, quanta sit necessitas, quantaque utilitas signorum diagnosticorum. Quare etiam operae pretium erit, omnes intendere nervos, ut illa rite recteque proponantur.

Cardialgiam adesse, ratione generis demonstrat essentialiter inhaerens sive pathognomonicum signum, lancinationes seu morficationes circa scrobiculum cordis torquentes. Essentialiter consequentia varia sequuntur. Adsunt enim anxietas praecordialis, inquietudo, asthma praecordiale, deglutitio difficilis, pulsus obscurus, debilis, syncope, scotomia, vertigo, quorum symptomatum generatim nulla est ratio alia, quam quod ob vim injuriamve huic exquisitissimo sensu praeditae parti illatam spiritus ibi excubantes a se invicem divulsi & dissipati totam hypostasim in consensum rapiant, inque *αιταξιας* enormes abripiant, hinc actiones, quibus spiritus praesunt, necessario vel cessare vel labefactari debent. Sudor quoque nonnunquam erumpit, quando nempe spiritibus praeanxietate stationes suas deferentibus, tonus fibrarum Glandularum subcutanearum debilitatur, & laxatur, ut sua sponte lymphae exhalari possit. Observatur itidem, calore mediante circulatione non communicato, frigus extremorum; nausea, inappetentia, tum a menstruo ventriculi ob congeriem humorum viscidorum inertis & quasi obtusiori reddito, tum a calore ventriculi debili

biliorta. Ob bilem aliosque humores copiosos corruptos plicis sive rugis ventriculi quasi agglutinatos acrimoniâ suâ stimulantibus vomitus biliosi alique hypochondriacis familiares præcedunt vel sequuntur.

Quoad subjectum, Coctio impedita, appetitus prostratus, nausæ, vomitus &c. affectum esse essentialem, materiamque in ventriculo hære, demonstrant: Sympathicam verò Cardialgiam, læsionum & affectuum partium, quarum vicio contingit, signa propria cognitam reddunt.

Quanquam causarum signis indicandis, ordine exigente, operam jam navare deberemus, tamen, cum ex adstantium relatione, antecedentium & consequentium circumstantiarum, causarumque supra enumeratarum collatione signa non modò facile erui queant, verùm præterea etiam eadem ab Institutionis satis operosè & prolixè exposita sint, hoc labore optimo jure supersedere nos posse existimamus. Autores quidam etiam de signis, quibus Cardialgia à Cardiacâ & Cardiogmo distinguitur, tradendis solliciti sunt, sed quoniam hi affectus non, nisi gradu, differunt, eorumque cura eadem est & Medici his vocabulis promiscuè utuntur, sub eodem quasi capite commodè comprehendendi possunt. Distinguitur quoque facile à ventriculi, hepatis, coli dolore, si vehementia intensi hujus doloris, ejusque situs, qui ad cartilagineam ensiformem, & ad eam nonnunquam spinæ dorsi partem, quâ orificium reclinat, sese extendit, probe considerentur.

Progredimur nunc ad signa Prognostica, quæ ad gloriam famamque aucupandam non tantum faciunt, sed & utilitates, quas *Cous lib. prognost. 1.* proponit, insignes præstant. Et primò quidem, ratione salutis & mortis, nos neque fallere, neque falli arbitramur, si Cardialgiam, propter atrocissimos dolores molestissimum, & ob supra memoratum cum partibus principibus consensum periculosum, imo nonnunquam lethalem affectum esse, prædicamus. Variat tamen periculum ratione magnitudinis & vehementiæ symptomatum, sic Cardialgiam miris stipatam symptomatibus, & viribus fractis confligentem lethum intulisse, observavit *Raigerus an. 3. Ephemer. Germ. obs. 10.* sic frigiditas extremorum jux-

ta *Riverium lib. 9. prax. cap. 10.* mortem proximam prænunciat. In angustiori quoque loco salus patientis versatur, ubi syncope & sudores frigidi urgent. Cardialgia semper periculum in febribus, uti *Hippocrat. aphorif. 65. sect. 4.* docet, minatur; & in malignis sæpe lethalitatem portendit; sic quoque in dysenteria maligna si non semper, tamen sæpe ad mortem cum singultu terminatur.

Contra verò spes salutis affulget, quando omnia contrario se habent modo, & ructus superveniunt.

Varietas causarum variam quoque reddit prognosin: quare, ubi causæ sive humorosæ sive vaporosæ rebelles & quasi habituales redditæ sunt, periculum imminet. Cordis dolor à causâ malignâ venenatâ oriundus, periculosus, ab inflamma- & eschâra, periculosissimus censetur, gravior quoque est ille, qui bili ortum suum debet, sic etiâ Cardialgia à vermibus in ventriculo contentis inducta gravissima est, quâ ægri derepente interdum *secundum Riverium d. l.* pereunt, cui *Gualterus in praxi sua, Hercul. Saxonia in prælectionib. Practic. part. 2. cap. 7.* imo ex perientia ipsa suffragium addunt. Respectu subjecti periculosius decumbit ille, qui orificium admodum sensile habet, & non tam per consensû, quam per essentiâ hoc affectu laborat, licet posterius non semper valeat. Quoad longitudinē & brevitatē, in Cardialgia, quia à medicis pro acuto habetur morbo, citâ opus est ope, aliâs æger victas tradere manus cogitur: Citius verò vel longius, prout causæ urgent, ad mortem vel salutem terminatur, aliquando tamen malum diutius sævit, & chronicorum naturam induit, non quidem continuò, sed per intervalla affligens, uti id jam citata *Raygeri observatio* attestatur. Modus eventûs est diversus, vel integrè (quod frequentius contingit) consopitis doloribus & correctâ, criticumque in modum evacuatâ per alvum, vomitum, hæmorrhagiam materiâ, solvitur, vel in alium morbum, ut in quartanam, teste

Clariff. Horstio lib. 1. obs. 13. mutatur; ad mortem verò

syncope vel convulsionibus
tendit.

De Curatione sollicitum est.

FELICI nunc auspicio ad ipsam provolvimur curationem, quæ certis & consuetis indicationibus, ceu statutis Mercurialibus, innititur, sicuti enim nihil sine legibus Jctus, ita nec sine indicationibus quicquam ritè præstare potest Medicus, quarum prima curatoria in paroxysmo ipsam tristem sensationem removendam, correctâ & extirpatâ vellicationis causâ, doloreque per narcotica vel anodyna sopito, respicit. Præservatoria extra paroxysmum locum habens, & causis antecedentibus debita omnem præscindit fomitem, ne revertatur malum. Vitalis virium tum restorationi, tum earundem conservationi per medicamenta & alimenta studet.

Ex antiquissimo & nobilissimo fonte Chirurgico, heroicum istud remedium, *Vena Sectio* primo se sistit loco, quæ tamè rarius & nec nisi in certis quibusdam casibus suadenda est, ut in vero & genuino cordis dolore, cujus supra mentio facta est, quia circulus sanguinis impeditus, eximiè profit. Quod si v.g. sanguis copiâ simul, ut in plethoricis, vel qualitate & motu, ut in febribus & inflammatione, quæ rarissima est, peccet, phlebotomia conducit: Exemplum felicitis eventûs *Hippocrat. lib. 5. Epid.* & *ex Riverio Mœbius in Institut. lib. 2. part. 3. cap. 5.* habent, ubi fœmina vehementissimis ventriculi doloribus correpta, frustra adhibitis aliis remediis, solâ largâ venæ sectione adjuta est. Sed notandum, hæc de Væ Sone in paroxysmo instituendâ intelligenda esse, nam extra paroxysmum, deficientibus mensibus, hæmorrhoidibus, ex alio capite vena tundi potest, imò debet.

Diffipandi fine in Cardialgiâ flatulentâ *cucurbitula* multâ cum flammâ ventriculo admota incantamenti instar juxta *Pergamenum lib. 12. M.M. 8.* dolores tollit, cautè tamen mercandum, ne humoribus ad partem affectam attractis inflammatio concilietur, hinc probe observanda est regula *Fieni lib. de flatib. cap. 19. p. 158.* *Friktiones* quoque extremorum, quia revellunt & archæum excitant, in usum trahi queunt.

Armamentarium Ingredimur nunc pharmaceuticum, in quo fortiora & mitiora, quibus hostis debellari potest, offendimus arma; Illa exinde jam depromere non veremur, quia juxta vetus proverbium durus nodus durum requirit cuneum. Quo fine *Vomitoria*, observatis cautelis ab *Hartmanno in notis ad Crollii basil. Chimi. p.m. 123.* aliisque Medicis annotatis, optima & præstantissima sunt, si saburra viscida, acida, acris, biliosa, lac corruptum, venenum vel corrosivitate vel visciditate peccans, in ventriculo & primis viis stagnet. Infantibus ipsis, qui ob lac coagulatum tormina ejusmodi & ἔκλυον facile patiuntur, commodè propinantur emetica. In hisce casibus & ata correctæ, ceu vomitoria omnium tutissima, in primis autem *tartar. emet. ad gr. iij. iv.* in adultis, in infantibus verò ad tertiam, quartam vel sextam grani partem datus, *Mercur. vita, oxysacchar. emetic. à Domino Ludovici correctum, aqua Rulandi emetica* se commendant.

Consultò nunc purgantia & quidem non fortiora, sed leniora suademus, lenientia talia præsertim sunt *aloëtica* & *tamarindinata* acrimoniam bilis simul obtundentia, *extract. aloës cum menstruo aqueo factum, pilul. aloëtic. Francof. Glassian. Elix. proprietatis purgans, polychrestum, pulpa & extract. tamarindin. electuar. & serum tamarindinat. &c.* sic huc spectant quoque *pilul. tartarea*, quæ ut & aloëticæ in gravidis, debilibus & frequentius hoc malo corripit solitis semel vel bis pro re natâ in septimana exhiberi possunt. Circa hæc notetur, quod (1) purgantia pro ratione circumstantiarum in forma pulveris, pilul. potion. &c. præscribi, illisque (2) loco stimuli, si desideretur, *resin. Gialapp, scammon.* pauca quantitate addi, & si (3) suspicio vermium adsit, & *dulc.* aliaque *anthelminthica*, admisceri queant.

Nec etiam *clysteres* suâ defraudandi sunt laude, mediantibus enim hisce non solum abstergendi, demulcendi, vermes expellendi, flatus discutiendi scopum obtinere, sed & colicis & nephriticis doloribus, si admixti sunt, prospicere sicque una fidelia duos dealbare possumus parietes. Tales clysteres constituunt *rad. alb. malv. belen. angelic. acor. herb. s. emollient, Calaminth. tanacet. origan. flor. sambuc. chamomil. bass. laur. juniper. sem.*
car-

carminat. Ec. in f.q. ▽ bord. vel communis, jure carnis, lacte cocta, additis elect. diaphœnic. lenitiv. Florenzola ol. aneth. chamomil. Ec.

Diaphoretica præter usum, quem in cardialgiâ à febris & inflammatione ortâ præstant, etiam, quatenus flatus discutiunt acidumque absorbent, opitulantur; sic huic intentioni ex volatilibus Tinctura bezoard. varia, M.S. spir. theriacal. simpl. & camphorat. theriac. ipsa, spir. C. C. Ec. ex fixis & diaph. O fulminans correctum, bezoard. mineral. C. C. Philosoph. præparatum Ec. admixtis dosi refractâ opiatâ satisfaciunt.

Universaliter evacuantibus medicamentis annumeramus & diuresica, quæ amurcam venarum abstergendo obstructions expediunt, & serum salibus lixiviosis, acidis, impuris, quæ in cardialgiâ scorbuticâ potissimum peccant, imprægnatum per vias urinarias eliminant, quo nomine commendamus salia chamadr. chamapit. genist. juniper. tartar. vitriolat. sal volat. succin. arcanum tartari, duplicatum Mynsicht. Lapid. Cancr. tinetur. tartari, silicum Glauber. aperitiv. Mæbi. nephritic. Michael. & Ec.

Alterantia denique specifica & corroborantia tum interna, tum externa omne absolvunt punctum, & colophonem reliquis omnibus addunt. Excellunt imprimis carminativa oleosa, aromatica sale volat. oleoso balsamico gaudentia, humores acidos, fixos, acres absorbentia & temperantia; huc quoque nervina in specie dicta, quæ ipsam tensionem partium nervosarum motusque spasmodicos respiciunt & Archéum suaviter demulcent, apprimè faciunt. Sic elegantes mixturæ ad imitationem Sylvii ex carminativis aliisque, v. g. aquâ menth. fœnicul. carminat. Dorncrell. Schröder. Physogon. Anodyn. Quercet. composit. hypnotic. Mynsicht, cortic. aurant. Elixir vite Matthiol. spiritu nitri dulc. (de cujus flatus discutiendi virtute vid. sæpius memoratus Dn. Wedelius de medicamentor. facultat. lib. 2. sect. 2. cap. 4. & Crollius in Basil. Chim. p. m. 163.) spiritu carminat. Sylv. essent. calom. aromat. zedoar. oleis macis, zedoar. anis. fœnicul. vel horum elæosaccharis, sirup. menth. cortic. aurant. lãdano opiato confici queunt. Pulveres quoque ex flavedine cort.

aurant. spec. diacumin. diaspolitic. Galen. § io diaph. ☉ fulmin. &c. commodè præscribuntur.

Præ aliis essent. carminat. Excell. Dn. Wedelii in Opiologia p. 119. descripta, cum tinctura anodyn. paucis guttis vel etiam essent. Castor. permixta laudem meretur, exemplum felicitis successus consignatum est l.c.p. 115. Præter jam recensita oleosa aromatica præsertim nominanda sunt ol. bezoard. & caryophyll. quorum illud ad gr. ij. vel iij. in cardialgia & anxietate febrium malignarum & Hungaric. adhibitum admirandos edidit effectus; hoc cum laudata essent. carminat. seu præcipitantibus, conchis præparatis, corall. lapid. cancr. crystall. præparat. § io diaph. ebore in pollinem redacto, pulvere absorbente Wedeliano junctum non satis deprædicari potest.

Magnæ quoq; efficaciz sunt pulvis epilept. March. cinnabari- na, ut cinnab. nativ. § ii. specific. cephal. Michaël, quæ humorum acrimoniam infringunt, simulque nervosam substantiam solantur, quâ intentione spiritus & essent. castor. Elix. uterin. in fœminis, egregiè se gerunt: Cardialgia, quæ ab aqua fort. arsenico, Mercurio sublimato &c. originem trahit, remediis visciditate acrimoniam obtundentibus & parietes ventriculi muni-entibus curanda est, qualia sunt oleosa, ol. amygdal. dulc. lac bubul. emuls. semin. 4. frigid. mucilaginosi, ut mucilagine semin. Cydonior. psyll. sirup. symph. &c. Vid. Ephemerid. German. & Heer dd. II. hoc saltem notetur, curationem hanc eandem esse cum erosionis ventriculi ab internis causis pro- genitæ, adeoque huc pertinere pulverem ex terra sigillata in ero- sione probatissimum à Sculteto in armament. Chirurg. p. m. 118. descriptum.

Quando verò omnia incassum tentantur, dolorisque sævitia omnium medicamentorum vim eludit, tunc ad opia- ta, tanquam sacram anchoram confugere debet Medicus. Hæc enim somnum conciliant, humores tenues biliosos in- crassant, ferociam illorum domant, acrimoniam tempe- rant, spiritus irritatos & ferocientes figunt, & in ordinem quasi redigunt, sicque dolores leniunt. Inter hæc laudan. opiat. tinctura anodyna variis cum menstruis parata, magister.

anodyn. Rolfinc. pulv. anodyn. confortat. Michaël. theriaca Andromach. recens, eminent. Hic probè attendendum est, opiata vel intentione & dosi primariâ, de quâ jam agitur, vel secundariâ & dosi refractâ adhiberi, quâ aliis medicamentis, uti ex superioribus constat, etiam non obstantibus febribus malignis in quibus docente Viro de Medicinâ longè meritissimo, Magnifico Dn. D. Johan. Daniel Horstio, Diversorum S. R. I. Electorum & Principum Consiliaria & Archiatro gravissimo, Promotore & Mecenate meo summè venerando, utramque absolvunt paginam, Vid. iudicium de Chirurg. infusor. p. 83.) commodè admiscuntur.

Ut hostis sat fortis eò felicius vincatur, Topica, quæ suavi calore demulcent, & materiam vitiosam per poros, quos simul laxant, dissipant; uno verbo paregorica applicanda sunt: quo fine sacculi ex paregoricis & carminativis, herb. menth. absinth. origan. serpil. rad. Zedoar. flor. chamomil. Rom. sumitat. aneth. semin. carminat. baccis lauri, juniper. fursur. tritic. sale &c. parati & calidè admoti conveniunt.

Unguenta itidem, inunctiones & balsama ex unguento anodyno, ol. Nucis Mosch. express. ol. Castor. Cydon. rosar. carminat. Myns. Chamomil & supra laudatis oleis destillatis, Zibeth. balsam. Peruvian. multum auxilii afferre queunt.

Ex emplastris empl. de crusta panis, de baccis laur. de taca-mahac. Carminat. Sylv. &c. eximie profunt. Hoc loco memorandum etiam est, multos Autores remedia hæc externa dorso applicanda esse, præcipere, quod quidem non improbamus, remur tamen, illa quoque anticè & quidem melius admoveri posse.

Ab instituto prorsus alienum esset, syncopes, aliorumque affectuum, qui vel foveant vel generant morbum, ut inflammationis, scorbuti, mali hypochondriaci &c. curationem ex propriis fontibus hauriendam latius nunc exponere: Ideo ad diætam, quæ paucis addenda restat, properamus.

Aër purus, temperatus, ad calidum tamen magis inclinans eligatur, & ventriculi regio ab ambientis aëris frigiditate arceatur. Cibi sint ὀψάρια & ἐνχυμοί, condiantur mace, aniso, & simili-

similibus, quæ ventriculi roborationi, flatuumque dissipationi inserviunt: fructus horarii, flatulenta, & omnia, quorum supra cap. 4. mentio facta fuit, fugiantur, loco potius cerevisia defæcata, & vinum, si ægri antea adsuæti fuerunt, Rhenanum, Neccarinum, aliaque probæ notæ suadeantur.

In paroxysmo placida quies potius convenit, extra paroxysmum motus corporis moderatus non nocet, siquidem concoctioni favet, & excrementa imminuit.

Somnum, tanquam arcanum ex mente *Crollii basilic. Chim. p. 189.* in medicina supra omnes lapides pretiosos, commendamus. Vigiliis nimis hypnoticis prospiciendum. Affectus animi graviores ad Indos & Garamantas relegentur; gaudium verò moderatum animum lætificet.

Alvus, si voto quotidie non respondet, medicamentis leniter purgantibus, ne ab excrementis retentis fumi sursum elati malum exasperent, officii sui admonenda.



COROLLARIA.

I.

Verissimè Hippocr. l. de Art. *Ægri, inquit, inobedientes in mortem incidunt. Quæ sanè qui non rectè considerant, causas ad hos, qui inculpabiles sunt, referunt, eos verò, qui maxime accusandi sunt, à culpâ liberant & defendunt.*

II.


In doctrinâ de occultis qualitatibus, neq, cum Galenicis, neq, cum Recentioribus quibusdam sentiendum esse existimo.

III.

Neoterici dum omnia, quæ in homine peraguntur, mechanice explicare conantur, totam rem non exhaustunt.

III.

Sennertus lib. de Consens. & Dissens. cap. 18. rectè putat, verum esse, quod Matthiol. lib. 4. epist. ad Andream de Blau scribit: Neminem Medicum absolutum esse, imò ne mediocrem quidem, qui in Chymiâ non sit exercitatus.



QUæ Tibi, quævé Tuis nomen memo-
rabile MAGNI

Omina jam dudū prosperiora dedit;
Nunc satis apparent, postquam præclara
Galenī

Scripta, & quæ Medicus pharmaca mon-
strat Arabs,

Gnaviter inspēxti; nunc & monumenta la-
borum

Pandere, & Hippocratis niteris ore lo-
qui.

Perge, bonis avibus! prodesse Machaonis
instar,

Et patriæ medicam ferre lubenter opem:
Sit sanare Tibi semper, propriumque me-
deri,

Atque tuam videat plebs malè sana ma-
num.

Annuat ex alto cæptis Regnator Olympi,
Et Lachesis leges audiat ipsa tuas;

D

Sic

Sic MAGNUM referes constanti laude
Parentem, (eris,

Et Medicus verò nomine MAGNUS

Ita novis honoribus applaudis

NICOLAUS THILEN,

P.P.& Fac.Jurid.p.t.Decanus.

Q. D. B. V.

CRANZIUS insigni successu *Nominis*
omen

Exprimit, & *fert* laudeq; digna facit.
Cernimus in *Natō* repeti *Genitoris* Ho-
nores,

Dum *Patris* ingenium *Filius* acre refert.
Accessit constans studii cultura, laborque,
Ac Artis varium ritè peregit opus.
Num *Patre* major erit *Magnus*? quis, quæ-
so, precari

Vel majora queat; *vel meliora* velit!

Clariss. Med. Candid.

DN.FRIDERIC.MAGNO CRANZ,

συναίτη & συνόμιλῳ suo dilectissimo,

προσφανεῖ hac dudum promeritâ
benevolæ Mentis affectum obsigna-

re voluit

LAURENTIUS STRAUSSIUS,

Med.D.hujusq; & Physic.Prof.Ord.

Quisquis ad optatos studii contendit
Honores

Virtuti addictam feligat ille viam.
Strenuus in bello qui pugnat & acriter ho-
stes

Concutit, hunc ferrô parva corona manet.
Sic quoque Musarum vigili qui castra se-
quuntur

Curâ, victores laurea *ferta* gerunt.
Talia perpêdens, nobis charissime *Cranzi*,
In studiis omni tempore gnavus eras,
Quæ tua diversis patefacta industria signis,
Mox rapuit magnos in tua vota Viros:
Argentina quidê posuit fundamina prima,
Sed *Jena* excoluit, *Gissaq;* *ferta* parat.
Hinc tibi Doctorum Cathedram conscen-
dere, & Artis

Promere selectum non sine laude licet.
Atque *Patris* nomen multo revirescit ho-
nore, (chori:

Qui quondam Medici gloria magna
Hujus dum sequeris faustô vestigia gressu,
Inter honoratos stabis & ipse Viros,

Ma-

Magna; dilectæ renovabis gaudia Matri,
 Usibus & Patriæ mox eris usque Tuæ.
 Accensæ variô dum luxu incendia Febris
 Tolles & stomachi grande levabis onus;
 Factaque percussis sanabis vulnera mem-
 bris,

Et celebri perges Arte levare malum.
 Hinc te Fama canet, sanati debita solvent
 Munera; Galenus sic tibi reddet opes.
 Hæc tibi conjuncto repetens pia gaudia
 plausu

Semper ut eveniant, pectore quisque
 vovet,

Et quæcunque tuis optabis honoribus addi
 Prospera, concedat Gratia magna DEI,
 Sicque vale, certos inter numerande so-
 dales,

Convictûs nostri sis memor usque! Vale!

Ita

*Nobilissimo Domino CANDID. de pro-
 meritis Honoribus gratulantur cali-
 tus secunda precantes*

CONVICTORES.